

十一月戊辰朔予湖北陣亡員衿豐王建祠○已已諭軍機大臣等穆圖善奏遵旨派員齎送總督防並克復快道等處出力員弁請仍擇尤保獎各相片穆圖善已於十月初六日將陝甘總督關防派員齎送涇州交左宗棠接授惟該將軍

如運緊要軍務著該將軍遵前旨予同在城文武力籌保衛毋稍疏虞並著督率所部兵勇隨時勤辦不得稍涉談

事各員弁尙屬著有微勞著准由該將軍擇其才幹素著者奏請獎敘其才幹素著者奏請獎敘其才幹素著者奏請獎敘

獲勝甘省驛道疏通以楊世俊等營分路進剿○令黃鼎先赴蘭垣附近擇要安營此時北路情形計可○諭前據左宗棠奏稱黃鼎等

臣接獲後於省城防剿一切事宜自係責無旁貸○在河州等處賊巢林立近偏省垣即使黃鼎各軍皆能繼進亦不可無

人指授機宜穆圖善既卸督篆凡西路軍情及地方應辦事件均覺呼應不靈該大臣能否即由平涼親赴蘭州居中調度

抑一時不克前進先行派人前往接辦或以接辦之人仍舊穆圖善在河州等處賊巢林立近偏省垣即使黃鼎各軍皆能繼進亦不可無

形著於接奉此旨後迅速詳細奏聞以慰廑念近日各路軍情若何黃鼎等軍何時奏到○諭河東嚴禁蘆鹽越境

事宜能否漸次肅清仍著該大臣督飭在事將士相機掃蕩迅奏膚功將此由六百里諭令知之○諭河南嚴禁蘆鹽越境

侵銷○修山西醇縣城○辛未諭軍機大臣等曾璧光奏普安餘匪開入安南旋經官軍收復上游苗匪投誠歷久相安各

一摺慶大五旬結回苗各匪復行開入安南縣城該文武等力戰數月當將縣城克復在事出力員弁准由曾璧光酌量給獎

前因左宗棠奏提督劉松山勦辦靈州回匪連獲大捷請將該提督前次失察游匪一案革職留任處分懇恩開復等情當經諭知該大臣俟查明靈州失守情形後再行降旨茲據金順奏稱劉松山到靈州後勦辦兼施見已將州城克復勦辦甚爲得手等語與左宗棠所奏人略相同劉松山向來打仗甚稱得力此次勦辦靈州回匪尤能迅赴戎機謀勇兼備劉松山著准其開復革職留任處分其前案內失察之分統營哨各官均皆隨同打仗著有微勞著一併免其查參此外出力各員著准由左宗棠擇尤保獎毋許冒濫○論軍機大臣等前因都興阿等奏覆勘展邊事宜當經諭令該將軍等俟朝鮮覆入日妥慎籌辦並因禮部奏據朝鮮國王咨請於沿江之地嚴禁偷越亦經諭令該將軍等飭屬認真辦理茲據禮部奏據朝鮮國王咨覆奉准江岸一帶酌置三五十里劃清界限之議請於原野平闊之處劃界稍遠等語著都興阿額勒和布等查照該國王所請在江岸寬平處所酌量籌辦並於展邊之時將界限劃清仍遵前旨督飭各該地方官如有游民私墾及滋擾等弊立即密拏懲辦毋稍疏忽以申邊禁而靖地方朝鮮國王咨文均著鈔給閱看將此各諭令知之○諭前因總理各國事務衙門議覆富明阿等奏朝鮮國人在俄界墾地應由朝鮮早申禁令一摺著禮部行文該國工部知道○里茲康禮奏稱准富明阿轉據甯古塔副都統咨報琿春協領訥木津茂等前往俄國威會晤俄官面議兩國交涉事件於中途遇朝鮮國男婦四五十人陸續越界均由珠倫河前往海沿問兵來歷言語不通因係俄界未便攔阻旋密查海沿嚴有河棘心河等處已聚集千餘人續投者尙紛紛不止請由該協領行文該國王飭令邊界官悉數領回等語朝鮮國民人潛投俄界男婦成羣竟至千餘名口之多難保不愈聚愈眾該國王自應及早禁止庶不至別滋釁端著禮部迅即行文該國王將逃赴俄界民人飭令該國邊界官悉數領回並由該國王申明禁令嚴飭該國沿邊官弁約束民人毋許再有逃越以重邊防並著富明阿飭令訥木津會商俄國協領薩爾務將越界民人悉行逐回不得久留俄界以致別生枝節原摺著鈔給富明阿閱看將此諭知禮部總理各國事務衙門○由五百里諭令富明阿知之○左宗棠奏劉松山一軍九月二十三日克復靈州城並破四寨一摺十月初二日攻克里仁渠一帶九寨前於摺內約略敘及然未接劉松山公牘故戰狀不能詳茲據續稱九月二十二日馬化澂復遣漢民解米糧十萬斤來營具保馬化澂永無反覆狀仍不啻呈繳馬械劉松山以撫局關鍵首在呈繳馬械今馬化澂仍襲從前故智冀以甘言微利了事非誠心求撫可知察看金積堡東北馬家兩寨楊家寨金何李丁四寨雄峙參錯深壕環繞渠流滿注其中距提督蕭章開劉家營壘五里是夜劉松山傳令各營攜鎗鎗草束四鼓出隊向劉家寨取齊馬步分五路布壘陣衛校夜行一向馬家寨進一向楊家寨進各支列陣於後以拒各堡援賊比抵

寨前賊始驚覺官軍號鼓齊鳴立將各寨合圍寨上礮石兩下各營擲草平探揮鋤掘堡併力攻之火器環施飛光電轉天明楊家寨積薪篝火煙燄蔽天寨中呼號喧噪壯士乘機猛進一鼓克之馬家兩寨見楊家寨已破恟懼益甚各營乘勝薄之兩寨亦相繼而下劉松山比傳令各營進攻李丁金何四寨察看李丁兩寨地勢低窪溝渠交錯飭各營運蘆草築壩蓄水灌之未幾金積堡馬步援賊繼至劉松山自督各營穩築壩隄派道員劉錦棠提督蕭章開軍功董福祥分中左右三路擊之提督李占椿李雲貴爲接應提督潘運璋陳宗蕃進左路之左提督彭緒祈譚上達進右路之右各營奮威衝殺賊勢不支折而西奔官軍馬步急追至秦渠邊賊中人馬擁擠橋梁忽斷殿後之賊見水而過截斃溺斃無算餘賊向金積堡遁去各營返旗攻李丁兩寨渠水已淹偏寨腳矣賊勢蹙開西門出奔金何兩寨賊眾亦倉皇棄巢鼠竄官軍分支鈔殺斃賊又多餘賊敗歸金積堡劉松山即令官軍分營填駐所破五寨收隊而旋是役計斃斃焚斃回逆約一千五百餘名回目馬玉喜已於堡破時格殺生擒百餘名內有回目馬得三當即訊明正法官軍陣亡員弁勇丁二十七名受傷二百七十一名此九月二十三日攻克劉家寨西北寨壘七座之捷勝仗情形也是日吉林馬隊及雷駐花馬池定邊四營來下橋會師詢悉提督黃萬友副都統雙壽於十六日遁出橫城時巡探南路有騎賊駛到意似迎抗官軍黃萬友督飭步隊雙壽督馬隊張左右翼迎擊馬賊結數十團猛撲而來氣殊驕甚官軍擊槍斃刀矛香進賊敗退追逐十五里始行收隊計斃賊二百餘名官軍陣亡勇丁十名受傷十二名劉松山以該逆於竊踞靈州後官軍未加懲創自諱計此數仍請寬假劉松山知其詐嚴飭之謂靈城賊匪精壯守城並引陝回入城助守其眷屬輜重則已於先日潛移金積堡矣二十九日五鼓劉松山傳令各營裹糧夜起仍分五路布疊陣整隊向靈州進架橋過清水溝行數里時已午刻瞭見城內賊旗林立左右野潦縱橫淺者猶及馬腹劉錦棠蕭章開分左右路見水而進劉松山督各路直搗中堅抵城南五里圍圍寺卡各營槍礮仰轟拔去蒺藜架木爲橋踰壕而上克其外卡餘賊向南門外里許之石壘竄遁官軍緊蹙之忽城東塵大起突出馬賊千餘向西南馳突意圖鈔殺劉松山飭提督余虎恩馬隊擊其左雙壽馬隊擊其右董福祥步隊副之騎賊撲近陣前官軍馬步相依縱橫盡決斃悍賊數十名賊敗折向東南南飛奔各營追殺十五里維時劉錦棠蕭章開已鈔近附城之卡壘旁矣賊開南門出卡拚死拒敵劉松山飭黃萬友周因勝朱德開李就山知州李樹棠實力圍攻城南石壘自督陶實昇易致中何作霖譚拔萃從中路猛進槍礮環攻雷轟電掣賊勢不支爭入卡門拋棄器械自相蹂躪劉錦棠蕭章

開乘勢奪卡而入賊賊縮退城中各營躍躍搶入見賊即砍城賊開東北兩門狂竄官軍分道躡之追殺五里天色已向晚矣收隊回城其南門外石壘踞賊二百餘名經黃萬友攻破檢斬無遺是役實斃賊一千四百五十五名生擒二百七十三名訊明賊目馬元生馬致和郭有利正法軍前拔出漢民男婦七百餘人官軍陣亡員弁三十一名受傷一百八十一名此二十九日克復靈城大獲勝仗實在情形也是夜調靈城賊踞城東迤南十里之海子墩買家莊十二里之馬清兒羅家樑四寨劉松山雷營駐防親督各營四鼓出隊派劉錦棠蕭章開向海子墩進自督各軍向買家莊進飭馬隊伏左右兩路並步隊如未破寨則列隊勿動也部署既定軍士銜枚疾行直薄寨下賊始驚覺中軍擂鼓發號火器仰攻寨上亦礮石雨注軍士擲草掀土填壕而過焚寨門掘堡倒四面擁登立將海子墩買家莊攻克該兩寨回逆四百名悉數殲之其馬清兒羅家樑兩寨踞賊見火光如晝喊聲震地礮轟如雷知官軍已奪海子墩買家莊矣遂開堡門從東南官軍余虎恩雙壽馬隊左右鈔殺之壓迫十八里收隊而還是役斃賊六百餘名生擒四十二名訊畢於軍前正法拔出漢民男婦二百餘名官軍陣亡員弁十四名受傷五十八名此三十日攻破靈州城外四寨獲勝情形劉松山進城後察福城官軍官解民廬半成灰燼瓦礫塞道飭黃萬友李樹棠移兩營駐之將節次拔出漢民安插州城設法撫輯一面招徠漢民認產復業初一日自率馬步各軍收回下橋老營營東十里爲里仁果大小兩寨迤西兩莊迤北里許爲趙家寨迤東二里爲楊家三寨楊家寨迤北三里許爲馬家雨寨賊踞其中劉松山是夜傳令各營四鼓出隊分枝向里仁寨趙家寨進自督中軍相機而勦令馬隊伏東南二三里防西南援賊劉錦棠蕭章開抵里仁寨半里守賊見官軍至大寨礮聲起小寨之賊倉皇出巢蟻附大寨各營乘勢跟蹤奪門而入賊眾死關槍礮對轟壯士從寨後內薄而登寨內之賊狂號出奔官軍一鼓擁入寨門敗賊無路可逃有墮牆而殞者有投井而斃者守賊約四五百名蒐羅淨盡劉松山乘勝督各營進楊家三寨令朱德開李就山董福祥圍趙家寨拔之守寨之賊約三四百名僅逃出馬賊數十騎餘悉殲殲楊家三寨之賊見各寨火起開門向正東狂竄聞之昇易致中何作霖周國勝兩路鈔殺之逼入山水溝淹斃斃斃無算餘逆折向東南敗走天色已明忽西南塵氛蔽空突有騎賊二千餘來勢兇猛劉松山派劉錦棠蕭章開督隊進正東攻馬家雨寨自督步隊攔頭迎擊飭馬隊左右鈔之悍賊死拒不退適馬家寨之賊經官軍攻破紛紛出寨亂竄賊眾返顧忙亂亦向西南潰走各軍四路掩殺賊斬步賊三百餘名收隊而還役共計實斃賊一千數百名生擒一百一十一名內有賊目趙萬棟馬福意訊畢斬之官軍陣亡員弁勇丁十八名受傷九十四名此十月初二日攻克里仁果大小八寨兩莊之實在情形也方劉松山之入靈州也馬化澂

來稟靈回正在出城忽有南來陝回乘間進城焚掠請示遵辦並央派辦撫局之總兵胡昌會請於甯郡五屬擇地安插意在飾其句結之謀不意劉松山九月二十三日破馬家寨時已接出馬化澄九月十三日給信參領馬三重吳天德楊長春糾黨抗拒偽札一封偽銜刻統理甯郡兩河等處地方軍機事務大總戎馬鈴以偽印其狂悖之狀陰狡之謀已經敗露也陝回陳林馬正和等股及從前雜匪金積堡之鄭保和沙學德等據雷正綰等馳報初七日又經劉松山痛剿勒令悉數呈繳戰馬軍械尚未接據劉松山馳報其雷正綰周蘭亭初八日由四百戶馳抵鳴沙洲調張恩堡東西四堡爲馬化澄先鋒袁希孟所隔初九日兩軍整隊齊進先攻東西依崖兩堡破之斃賊二三百名釋其老幼婦女獲戰馬六十餘匹袁希孟即率西面三堡同眾伏地泣懇收撫願將馬械悉數呈繳雷正綰等受之正點驗問忽見賊騎數百急馳而西雷正綰等列隊堵截賊不意大軍修至駭懼失措官軍馬步急擊之斃賊約二百名訊擒賊供始知此股即馬正和馬長順之黨初七日經劉松山擊敗者也初十日雷正綰由張恩堡進泉進疊水適簡敬臨張福齊兩軍東自韋州前來合隊十二日行至張家沙窩擇要分駐秦巢內外距金積堡皆不過十餘里臣以剿撫機宜未可遙制必事權歸一乃策全功檄雷正綰周蘭亭簡敬臨張福齊所部各營進止緩急次第均候劉松山商酌定奪冀免歧誤又奏前檄補用道李耀南湯聘珍等各率所部分布秦州秦安通渭一帶穆圖善飭記名提督涼州鎮總兵傅先宗總統放天印喻正祥彭忠國等馬步各營扼剿河狄竄賊力顧蘭垣餉道嗣據記名提督梅開泰稟請裁兵節餉臣宗棠當飭精爲挑選臣成五營歸湯聘珍節制並向防剿辦時秋河邊賊時以零騎游掠通渭伏羌西和禮縣等境然皆非大股也九月二十二日湯聘珍調河回蘭入禮境窺伺徽成人數頗多督同梅開泰約虎威營出隊馳剿二十五日行至西禮交界之長道鎮偵賊大隊盤踞西和縣城化三十里之石堡城下寨地方當就地築壘一面令梅開泰率馬隊且探且進步隊繼之抵鄭家堡出山峽賊馬步遙擁而來梅開泰分一庄右扼山麓一由左扼山腰自率馬步直搗中路槍礮環施斃賊數十名正酣戰間湯聘珍及副將田連考各率所部馳至奮威衝殺騎賊擁奔步賊大潰各軍緊蹙之由鴿子坪追殺至王家窯日暮收隊計斃賊三百餘名生擒二十餘名二十六日黎明賊騎數百仍排列峽口似誘官軍深入者適謀報二十五夜游匪嘯聚一千人來禮縣與西河賊合結寨石城堡迤南馬跑泉圍阻官軍進剿之路湯聘珍遂督隊分兩枝緣鄭家堡楊家溝頭堡擊之登高瞭見步賊數十團伏峽中飭各營嚴陣以待賊旋引去二十七晚選壯士百餘乘黑夜襲賊營火箭火彈拋入焚其柵卡賊眾慌亂棄寨狂奔二十八日梅開泰率馬隊追過西和縣城二十九日收隊回營方賊之竄入西和也湯聘珍函約傅先宗督同各營會剿初一日傅先宗

抵西和城下遙見馮家莊一帶煙燄彌空策馬飛進賊正圍攻姜席家川堡官軍馬隊循南北山峽鈔擊賊駭而奔堡圍立解是夜詞賊踞江口刺壩兩處揚聘珍督同梅開泰倍道出體縣截其北竄之路詰朝傅先宗馬步向刺壩追賊至碧玉河突有另股伏賊橫出山谷之旁傅先宗即飭喻正祥督隊分途猛擊賊遂披靡喻正祥追殺二十里至立隄壩傅先宗督馬步追殺三十餘里至廟兒垣敗賊向岷屬炭廠遁入狄河各軍收隊而還計初一日初二兩日斃賊約近千名生擒六十餘名據擒賊供此股賊目劉四花鄉約馬元和世輔張老五皆西禮叛回糾眾三千餘人流入狄河河州賊目馬宗大助以馬步千餘沿途夥結游勇千餘眾意圖襲踞禮縣二十五日之戰馬元已被槍傷訊畢斬之其時道員李耀南一軍已抵通渭馬營監十月初一日調通渭屬李家灣一帶河州逆黨集攻堡掠糧賊目爲甯阿洪馬洪幅糾合北路敗回由火龍過賊前隊般華廷擊敗之官軍追近李家灣賊回旗抗拒分股從李家灣南北兩溝鈔出李耀南率所部緊結方陣分中左右三路應之殺賊二百餘乘勢壓擊追至通安驛敗賊向內官營遁去另股駭賊自北路來援復經督隊擊敗維狄河回逆負隅恃險廣行勾結此次糾約出巢自係迎護陝回崔三馬得彥敗殘餘黨經官軍擊敗遁歸巢穴移圖善前調傅先宗進規河狄宗棠已催令遵檄前進格遑調遣並嚴飭南路在防諸軍相機堵剿力顧後路又奏據劉松山牘稱克復靈州復詢知該州甘回素聽馬化澂之命地方公事及征收錢糧向皆馬化澂主政在城文武各官薪糧皆由馬化澂發給回眾藐視官長而不受約束官長坐視回眾而莫可如何以致倉卒變生莫能救護前代理靈州知州尹泗其弟藍翎即選從九品尹漆並眷屬家丁十餘口及見署靈州知州甘肅候補同知鍾蘭其子鍾爾規同時服毒自盡前派去護餉之總兵首加正副將陳明遠謝繼委員副將陳永錫謝明華張福星彭友亮參將張綱祿副將王榮華隨去勇丁七名均被戕害當州城未陷之前署靈州營參將馬福守備李楠春州吏目黃廷輝等察知回眾叛形已露約同出城赴營送信求援該參將等復於途中遇賊守備李楠春不知下落此次克復州城即派馬福黃廷輝作爲前導維靈州甘回本馬化澂黨夥馬化澂從前名雖就撫實仍以其新教部勒甘回自成一類久之老教亦被其脅服陝甘回民尊之爲主自稱爲吾兩目蓋問語奴才也其私授偽官有參領協領等名其自稱爲大總統稱官軍爲軍人狂悖如此見因攻破甘回寨壁搜獲賊中偽文始知其詳劉松山前抵靈州恩惠南下未據該文武稟知道情將軍飭寄鎮城中僅派弁勇十餘名守護以致同遭其難見經官軍攻克州城逆賊肅清殆盡死事諸文武應懇天恩均照陣亡例議卹馬福黃廷輝聞變出城求援嗣導官軍克復城池

可否免其置議出自

天恩又奏頃接到松山緘稱因陝回呈繳馬械遲延仍懷叵測初七日進剿連破秦渠南板橋馬家

兩莊納家三寨丁家兩寨劉家灣子三莊馬家灣子四莊何家兩莊西至蔡家四寨金家兩莊一帶陝回所踞村莊斃賊二

千餘名生擒近三百名獲賊眷六百餘口官軍亦有傷亡馬化騰見失署河州鎮總兵胡昌會保其永不反覆並力保陝回

悉數呈繳馬械其詳細情形容俟續報到日再行馳奏臣拜覆後即進駐平涼又奏甘肅秦州毘連川陝僻在一隅稍稍完

善近年以來協餉之來專取道於此重兵亦翕聚其間其始藉兵力以護餉藉民力以養兵其繼兵增而餉愈艱民窮而寇

愈熾臣自率師規隴即派中書吳士道道員湯聘珍李耀南由汧隴趨秦州會同甘軍隨時堵剿一面諭知甘軍各將領裁

併成營以期實濟提督梅開泰首先選辦裁十營併成五營總兵放天印繼之察看情形事體尙無滯礙如果辦理得宜未

嘗不可收餉節兵精實效特一時之此鉅款既虞遠撤爲難而主持苟非其人轉恐激成別故斯夕焦思苦無全策適船政

提調前護福建巡撫道員周開錫帶解餉銀馳赴臣營臣維甘肅北路中路均有制賊之軍南路雖有穆圖善與臣撥派之

軍而彼此勢分等夷各不相下非得治軍之才假以事權難期指臂相聯共襄捷伐見已檄令周開錫馳赴秦州總統諸軍

將南路兵事餉事認真整頓上諭甘肅狄河回匪糾合陝回崔三等餘黨出巢肆擾經穆圖善派傅先宗進剿獲勝左宗

棠又檄李耀南等軍敗賊於李家灣一帶斬獲甚多其甯夏南路回匪楊士椿等勾結陝回援應納王各寨又經金順張曜

督軍迎剿疊獲勝仗剿辦均屬奮勉見在陝境肅清各匪已無立足之處勢必以扶甘回苟延殘喘如能將河狄各賊果遂

一攻破斯其黨援則剿撫皆易得手著左宗棠仍飭李耀南等及前派出之黃鼎各軍乘機進剿毋稍鬆勁一面嚴檄南路

在防將士實力嚴防以免顧此失彼穆圖善亦當札飭傅先宗等與陝軍聯絡聲勢迅掃逆氛納王各寨爲回逆負固之區

仍舊金順會同張曜迅圖攻拔毋任憑險死守阻截官軍左宗棠奏查明靈州失陷文武下落情形請將各員免議等因奉

聖旨著將馬福臬目黃廷輝既據奏稱聞變求援並導官軍克復城池情尙可原馬福黃廷輝均著免其置議其劉松山收

復靈州情形與本日金順所奏大略相同該大臣見擬進駐平涼著即懷遠前自將能否馳赴蘭垣情形迅速具奏同日馬

化騰既給馬三重等偽札是其狂悖之情業已敗露而又求總兵胡昌會保其永不反覆並力保陝回呈繳馬械前後兩歧

殊難憑信即著該大臣嚴飭劉松山等乘此軍威迅圖掃蕩該逆如實係真心乞撫仍著左宗棠責成劉松山相機妥辦萬

不可爲甘言所誘輕率收撫轉遂奸謀周開錫既馳赴秦州派令總統諸軍即據飭該道員將南路兵事餉事認真整頓以

資臂助北路剿撫事宜著即檄知雷正綰等與劉松山商推以免紛歧將此由六百里各諭令知之○飭山西添撥月餉一

萬兩濟金順軍○子甘肅傷亡提督易德麟祭葬世職建祠陳區總兵官楊玉賢副將李大勝等祭葬世職○甲戌飭河南添撥河工銀三十八萬兩○丙子山東往平縣教匪孫上汶等謀逆捕獲伏誅○丁丑諭內閣福濟奏遵議布倫托海辦事大臣請即裁撤仍歸科布多管轄一摺新設布倫托海辦事大臣既經該將軍與奎昌錫綸等相商均以裁撤爲宜自係實在情形著即照所議裁撤所有該城官兵即行撤回其新頒印信即著撤銷索倫厄魯特等處領隊大臣及棍噶扎勒參處辦事宜並奏咨各件著統歸科布多參贊大臣經理以符舊制而一事權喇嘛歲支茶布銀兩及棍噶扎勒參於一二年後應否與各處呼圖克圖一體輪流年班進京之處著理藩院妥議具奏此次裁撤布倫托海係屬改歸舊制著福濟等妥爲曉諭俾各守分安居朝廷初無歧視毋得互相議論致兵民人等復生疑慮也○諭軍機大臣等福濟奏遵議裁撤布倫托海請仍隸科城一摺所議甚是布倫托海本係科城阿爾泰山一隅之地該處設城後辦理諸多窒礙即著照所請裁撤將新設布倫托海辦事大臣印信繳銷所有索倫厄魯特各領隊大臣及棍噶扎勒參應辦事宜統歸科布多大臣辦理以待舊制海城官兵裁撤後所餘官兵除經手糧餉之員暫留科城辦理賑銷外其餘旗營官兵仍著照前次奏定章程分駐熱河等處綠營官兵情願入伍者亦即照福濟所議呈明口內各營汛以原銜當差隨時酌補不願者亦聽其便但不可逗遛科城致生事端奎昌等務當隨時體察妥爲經理福濟亦當與奎昌等和衷商酌不可稍存膜視將此由五百里各諭令知之○戊寅諭軍機大臣等曾璧光奏覆陳教務情形一摺據稱遵義府城民教爭鬪業委道員陳昌運馳往查辦先將舊事搶擄之民人傳有沅訊明正法民教悉已解散並將教士三人於六月十三日護送到省七月初七日據代辦主教任司鐸照會趙教士到省後於初六日因傷身死該撫委員往驗而任主教復以業經殯殮未便開箱相驗攔阻至梅教士在仁懷被殺一語有無其事已派員往查等語此案既據曾璧光查明趙教士並非因傷身死該主教又有攔驗情事即可從此設法了結折服其心梅教士是否被殺亦應確切查明見在李鴻章所派之道員余思樞計早抵黔即著李鴻章曾璧光飭令余思樞並該省委員等迅速持平辦理及早結案免致羅淑亞到後另生枝節將此由六百里各諭令知之○續道城將軍定安奏嵩武軍會剿南路匪逆攻拔王洪堡等處賊巢得旨著即知照張曜會同金順將納王等寨迅速攻拔以靖逆氛○已卯諭軍機大臣等恩麟奏巡閱後藏起程日期並親歷邊陲妥籌安撫一摺前因廓爾喀與唐古特頗有猜嫌諭令恩麟前往邊界妥爲籌辦恩麟見已定期起程巡閱後藏即赴庫番交界親自禁約該大臣務當懷遠前旨不動聲色於開誠布公之中仍不未長駕遠馭之意以期潛消釁隙邊境又安恩麟啟行後藏中一切事宜即著德泰妥慎辦理毋稍疏虞將此

由五百里各諭令知之○飭直隸等省撥解東三省官兵俸餉銀○廣湖南寶慶府學額三名道州一名江西永新縣一名山東濟平七名章邱五名○庚辰以江甯被水允馬新貽奏留抵徵錢文爲採買倉穀及撫恤修圩之費○壬午諭軍機大臣等據圖奏查明靈州降回變亂大概情形並暫委寶型護理安肅道篆各摺片前據左宗棠金順奏劉松山收復靈州情形已報旨將靈州知州鍾蘭及代理知州尹泗等交部照例議卹並因馬化澂有給馬三三等僞札情事又代陝回甘言求撫前後兩歧殊難憑信諭令左宗棠嚴飭劉松山等乘勝進兵相機妥辦該大臣務當懷遵前旨督率劉松山等軍分別良莠勦撫兼施不得輕率收降致墮詭計左宗棠計已進駐平涼能否馳赴蘭垣居中調度仍著迅速具奏穆圖善莅甘數戰熟悉情形見在甯夏防守緊要該將軍既已交卸督篆著將省城防剿事宜布置妥協俟左宗棠到省或在左宗棠派員接辦有人即行前赴甯夏將軍本任以重職守所請來京陛見之處應無庸議所有穆圖善原部各軍均著歸左宗棠調遣付軍餉項並著該大臣均勻分撥以利師行毋得稍分畛域安肅道員一缺穆圖善見據肅州鎮總兵陶生林稟請暫委四品頂帶寶型護理該員係已革知縣資望太輕恐不足以勝任著左宗棠隨時察看如果不能稱職即行另派委員前往接署將此由五百里各諭令知之○諭金順奏官軍攻拔賊壘見在進剿情形一摺南路各堡寨攻克復經金順會同張曜督軍遣副將王家燒房油坊寨先後攻拔逆首馬鳴漳擒獲正法惟納王兩寨尙爲賊踞亟應乘勝進攻著金順會商張曜嚴飭派出官軍轉戰而前將該二寨迅圖規復以期次第肅清納家匪勢窮蹙可自縊玉貴等赴營乞降如果能呈繳軍械馬匹捆獻賊黨並與王家燒房莊斷絕往來自當分別辦理惟該逆反覆無常金順不可稍涉大意致墮詭謀將此由六百里諭令知之○諭總理各國事務衙門奏請添派立界大員一摺前因布倫托海所屬地方皆係塔爾巴哈台管轄之地所有分界事宜業經諭令文碩約期馳往辦理惟見在布倫托海大臣既經裁撤該處立界事宜即應統歸科布多大臣辦理自前與俄國使臣聯辦科布多邊界甚屬妥協情形較爲熟悉著即改派奎昌於明歲春融時馳往該處與俄國使臣將瑛屍圖囑圖勒汗至哈巴爾蘇一帶逐一查勘會立牌博交碩即毋庸前往其應如何揀派嚮導及指授機宜之處仍著福清遵前諭旨悉心籌辦文碩既補授科布多幫辦大臣此次分界事宜亦當會同商議妥爲辦理原摺均著鈔給閱看將此由六百里各諭令知之○諭前因榮全奏賠償俄國諾海性畜銀兩請於津海關或北洋三口俄國應納稅餉內照數扣收當交該衙門議奏茲據總理各國事務衙門戶部奏稱此項賠款既經榮全議定俄錢二十四萬約中國銀十一萬數千餘兩應委員羅君屯已還過銀九千八百二十兩外其餘銀十萬數千兩有零按照原議三年補償每年需銀三萬四千兩自應

籌款分年補償惟北洋三口山海東海兩關並無俄國交納貨稅即天津一關俄商陸運稅銀每年亦止一千餘兩不敷抵扣請於山西應解京餉內分年籌撥等語著李宗羲飭令藩司於山西應解京餉內自明年為始分作三年每年撥銀三萬四千兩交歸綏遠轉解務須提前於每年三月起解四月解到烏里雅蘇台交榮全收納覈計三年共應解銀十萬二千兩於應解俄國款項有無盈絀著福清榮全查明辦理原摺均著鈔給閱看將此由六百里各諭令知之○予甘肅被戕縣丞陳應樹祭葬世職○癸未免科布多所屬本年例貢郭皮○甲申諭軍機大臣等劉嶽昭岑毓英奏官軍收復昆陽州城並見在分剿各路賊匪情形一摺昆陽臨逆楊振鵬因城外賊星蕩平率黨抗拒提督馬如龍親往督辦楊振鵬意圖脫逃經張保和等設伏圍擊與馬聯魁等一併正法逃竄各匪截殺殆盡其往來連西通賊之馬生龍等亦經七獲見在該處漢民均已歸業州境一律肅清著即飭令該署州張啟辰等將善後事宜悉心經理其解往新興呈貢各屬之投誠同人亦著飭屬妥為安置毋令日久滋事新興軍務雖將逆首劉綱等正法而州城見尚未下仍著劉嶽昭等督飭馬壽雲各軍實力環攻迅圖克復省西土堆餘匪並著親督在事將弁晝夜攻取毋任苟延殘喘祿盧徽江竹園等處餘逆未平該督等務當嚴飭何秀林等各率所部馳往祿盧會合剿洗一面飭令張保和迅移得勝之師由昆陽前赴竹園相機剿擊迅殄寇氛其昆陽出力文武各員著劉嶽昭等查明彙奏奏保保通一路孔紹鈞等辦理若何唐友耕已否由昭通前赴省垣該督等當懷遴前員會同調度並將昭通一切事宜及早籌辦用靖邊疆將此由六百里各諭令知之○丙戌諭內閣醇郡王奏請整肅功令以杜專擅一摺據稱領侍衛內大臣向無歸宗人府管轄之例自醇親王補授宗令肅列直班新章多條奏准通行且將領侍衛內大臣直班推班亦令一律呈報籍貫之各款攬權之漸且查據廖否推班及領米日限自應推班亦未載入章程應屬通融請將新定直班章程特蒙王大臣重加酌定等語醇親王向來辦事固有靈氣用事不能詳慎之處若如醇親王同為國家統緒情事手足總當以敦睦為懷不得各存意見至王公直班本有舊制可循所請特派王大臣重定章程一節不特摺內所稱看樣領米各事挂一漏萬且亦徒事紛更著毋庸議宗人府前定直班章程日久不無窒礙亦著毋庸議嗣後應在內直班之王大臣等遇過班之期如有藉詞推諉該班不到者一經發覺定當遵照嘉慶道光年間歷次所奉諭旨嚴行懲辦決不寬貸○宣軍復甘肅靖遠縣城○于陝西殉難縣縣買教修祭葬世職○于甘肅傷亡副將陳維阿祭葬世職○己丑諭內閣前因丁日昌奏訪查營弁人等滋事應命重懲將百將遊擊許德椿都司丁炳先行革職交

馬新貽親提研審按律懲辦並將丁日昌交部議處茲據該撫奏稱該案內有伊姪監生丁繼祖同往開關先同並風聞伊子分發知府丁惠衡一併在內經署臬司杜文瀾督審稱伊丁並未在場請將丁惠衡丁繼祖分別斥革徹底根究並自請革職治罪各等語此案營弁人等滋事釀命丁日昌之姪監生丁繼祖既經同往著即斥革交馬新貽歸案審訊伊子丁惠衡是否同往著於到案時一併交馬新貽審明處實分別辦理丁日昌咎止失察前已交部議處所有自請治罪之處著毋庸議○庚寅諭內閣曾國藩奏堵築漫口合龍暨疏濬中洪下口均屬穩固深連一損直隸永定河本年北四下汛漫口經會同藩飭令道廳各員設法堵築見已合龍並據該督勸驗北四下汛暨南七兩處堵工均各穩固張家墳一帶所挑中洪南七以下所挖引河並能暢流無滯在事出力各員著准曾國藩擇尤保獎毋許冒濫嗣後仍當督飭該道廳等認真挑挖並隨時修治隄埝俾保無虞○諭前諭曾國藩察看臬司史念祖能否通曉刑名足資表率據實具奏茲據奏稱史念祖心地明白器局開展論事亦尚有識惟直隸刑名較繁該臬司資望尚淺著調刑名稍簡之省磨厲數年當可胸成令器等語臬司爲刑名總匯之區無論何省均關緊要史念祖心地既向明白若隨同曾國藩遇事講求又加歷練於公事較有裨益著曾國藩飭令張樹聲將直隸積案辦竣即行前赴山西臬司本任史念祖俟接任後仍著曾國藩隨時察看如不能稱職即著據實具奏○壬辰子浙江殉難翰林院編修張洵建祠○癸巳 上詣 大高殿祈雪○甲午諭內閣侍讀學士鍾佩賢奏臬司責任繁重未宜輕授一摺前因曾國藩覆奏直隸臬司史念祖人尙明白可望胸成令器當諭令曾國藩俟該臬司到任後隨時察看於造就人才之中實寓慎重刑名之意茲據鍾佩賢奏稱與其察看於後貽誤已多易若審擇於前所全不少等語所奏亦不爲無見史念祖著即開缺以原官畱於直隸交曾國藩差委俾資學習如能諳練公務即由該督隨時奏聞至所請軍營保至藩臬人員查非科目出身及曾任賈缺道府者仍令先補道府察看稱職由該督具奏明後列單請簡之處著吏部妥議章程具奏○乙未諭軍機大臣等福清文碩奏俄國請分地界查有望礙情形一摺塔城分界事宜前因布倫托海大臣裁撤改派奎昌於明歲春融時馳往該處會同俄使查勘立界茲覽福清等摺內所陳窒礙情形不爲無見即著文碩酌帶圖冊卷宗迅即起程趕於明年正月內到京與總理各國事務衙門王大臣詳細面述妥籌辦理文碩起身後該處應行豫辦事宜仍著奎昌恪遵前旨與福清隨時會商籌辦將此由五百里各諭令知之○允戶部奏飭各省豫撥來年京餉銀七百萬兩內務府經費銀六十萬兩○以錢鼎銘爲直隸按察使由大順○丁酉諭內閣慶春奏查明熱河開荒漸侵正圖酌擬章程請將查辦遲延之總管等交部議處一摺前因熱河開墾地多間曠經前任都統瑞麟

麒慶先後分別科則招佃展墾乃日久展放漫無限制以致侵占正園自應查明禁止所有鑲白旗伊遜川開墾荒地即著照舊有大卡倫為界其東西佃墾私墾地畝均著飭令一律封禁並著嚴飭該總管等督修卡倫建立紅椿母令任意展墾慶春擬於明歲春融後派原勘各員前往查勘界址按照科則酌予年限以次裁撤並將私墾各戶一律驅逐旗民佃戶領地後陸續侵入山坡溝岔以及領地以多報少各弊出示禁止定以懲罰章程著庫克吉泰到任後詳細參酌妥為辦理委員員啟章王清經慶春派令前赴開場會同總管壽長督催修卡建椿乃任意遲延迄未修整實屬咎無可辭開場總管壽長候補知州員啟章准補喀拉河屯巡檢王清均著交部議處以示懲儆○諭軍機大臣等穆圖善奏馬步官軍剿賊獲勝覽請將同知雷營差遣各摺片善山保一軍在黑茨溝剿賊殲斃甚多追至清水驛附近地方兩路伏賊突起後山保復督隊兜剿該匪敗竄其平番縣屬馬家溝馬賊亦經營總常明等在三岔溝迎戰分路夾擊賊勢不支紛紛敗退仍著左宗棠穆圖善撤飭善山保等偵探賊蹤分路追擊毋任該逆乘隙滋擾牽掣官軍左宗棠擬進駐平涼到省尙需時日即著飭令派出之黃鼎等軍迅速前進以期節節掃蕩痛殄寇氛已革廣東候補知縣賴保同知楊炳璣據穆圖善奏稱甘軍進攻河州需員差遣請予雷營等語湯炳璣是否諳練軍事堪以雷營差遣之處著左宗棠即行查明具奏毋稍遲就將此由五百里各諭令知之○諭金順奏官軍連日進剿情形一摺逆回堅踞王家疇巢穴經金順會同提督張曜督軍進攻破斃賊匪甚多賊圖搶踞長壕又經官軍擊退遂將新築賊壘一律踞平總兵王連三等復兜剿獲勝賊勢諒已窮蹙惟我軍傷亡亦復不少聞空地地道尙未蕪工該逆憑藉深濠卡壘甚多亟應設法攻取著該署將軍會同張曜督飭將弁加意籌攻務將該逆寨速拔以期掃蕩妖氛將此由六百里諭令知之○予甘肅陣亡副將李宏林祭葬世職○是月豁免直隸東明縣被淹被擾積欠額賦減免兩浙袁浦等三場拋荒田畝上年竄課蠲免安徽無為等十七州縣暨屯坐各衛被水節年額賦租課蠲緩直隸開州等五十八州縣被水新舊額賦租課倉穀山東濮州等六十七州縣德州等四衛東平所屯莊禾阜等二場歉收新舊額賦租稅寬課湖南澧州等十二州縣暨岳州衛被水新舊額賦租課緩徵兩淮富平等十四場被水竈地新舊錢糧安徽亳州等三十七州縣暨屯坐各衛被水被旱被風被蟲新舊額賦租課

十二月庚子諭軍機大臣等崇實吳棠奏援漢川軍克復魯甸屬城攻破巖崗老巢生擒首逆並撤調唐友耕分兵扼守欽南各摺片漢匪李本忠經川軍擊敗後由板板房桃源一帶分撲良同村聚唐友耕督兵截擊踏毀賊營該逆退守魯甸城內又經官兵擊走收復屬城李本忠逃入巖崗老巢參將尹士超等分路進攻疊破四面礮樓生擒李本忠及賊黨徐添驥

等正法場。賊巢略魯漸次肅清。此次援漢川軍。疊克匪巢。生擒要逆。剿辦尙屬奮勉。在事尤爲出力員弁。著崇實等。照實奏保。毋許冒濫。見在黑石坳匪勢尙猖獗。唐友耕一軍自當乘勝進剿。惟總兵全祖凱圍攻之兵。未能得手。委員孔昭鈴等。亦無抵礮。確期即著劉嶽昭率統英迅飭全祖凱。激勵兵勇。會同唐友耕相機剿洗。一面催令孔昭鈴等。馳抵該處。一切剿撫事宜。妥爲籌辦。俾東路及早掃蕩。毋稍遲延。湘果各營散勇。見既不遵。資遣放南邊界。自應派兵設防。以資彈壓。著崇實等。檄飭唐友耕酌撥得勝之師。前赴鎮雄。以順筠運高拱入川門戶。如有潰勇滋事。即會同胡中和籌辦。至攻克黑石坳後。仍舊李季福在漢援剿。其唐友耕應否撤回川省之處。著崇實等會商劉嶽昭率統英計酌辦理。將此由五百里各該令知之。○廣陝西鄉試中額一名。○辛丑 上詣 大高殿祈雪。○王寅諭內閣吏部尙書文祥之母。秉性淑慎。克享遐齡。教

子有方。俾成良弼。今以疾終。深堪軫惻。朝廷優禮大臣。推恩賢母。著賜祭一壇。賞銀一千兩。經理喪事。由廣儲司給發。欽此。○旗時沿途地方官。妥爲照料。以示優眷。○兵部右侍郎伊精阿。卒。祭葬賞銀三百兩。治喪。○以賈珣爲兵部右侍郎。由內閣學士遷

○劉典回籍養親。以蔣志章爲陝西巡撫。由四川布政使遷○癸卯諭軍機大臣等。蘇鳳文爲子材奏。疊克越南境賊巢。見在併力

圍剿。蘇鳳文奏。接准越南國王咨文。籌辦中外邊界事宜。各一摺。吳亞幹股匪。竄入越南。疊經官軍跟蹤追剿。攻破大慈黃市等處賊巢。該匪退踞左洲。勢已窮蹙。即著馮子材督飭各軍四路圍攻。悉數殲滅。總期迅速。肅清功。毋稍延緩。此次收降人眾。馮

子材擬旋師之日。儘數帶回內地。辦理尙屬得宜。惟人數既多。則編插非易。著該提督隨時給票分起。遣送回籍。蘇鳳文即飭各該州縣。妥爲安插。嚴加約束。毋令滋生事端。至內地民人。私出邊境。例禁嚴嚴。地方官失察處分。亦重。蘇鳳文見擬申明定

例。檄飭大鎮兩府。督屬嚴防。並咨越南國王一體稽查。即著照所請。認真辦理。以期日久相安。毋得有名無實。將此由五百里各該令知之。○以王德固爲四川布政使。由陝西按察使遷○甲辰諭軍機大臣等。貴州軍務日久未有起色。川楚接辦各員。其年

辦戰匪。尙能克復城邑。追遶勦苗。屢獲捷報。軍敗於黃陂。黔軍潰於羊安。從此一蹶不復。再據情由各軍華人統攝。互相觀望。以致坐糜鉅餉。師老無功。李鴻章威望素著。見在重慶暫駐。著即飭赴貴州。所有川楚貴州各軍。均歸節制。該督即亟加揀選

申明賞罰。嚴催各將領分投進剿。五爲援應。庶得同心協力。迅奏膚功。惟川楚各軍。不能得力。即行裁撤。否明樂實。某案剿

喝。將此項兵精。仍解赴李鴻章軍營充餉。該督上年凱撤之師。其中不乏曉勇。著即酌量奏調。赴黔以備調遣。廣西防建之兵。如須調赴黔省會剿。並著李鴻章酌度辦理。至李鴻章進兵克復地方後。修治城池。招集流散。勸保甲。給籽種。仍舊有

光隨時商同李鴻章妥爲經理。不得以派有督兵大臣。即思該領貴州軍餉。奇拙吳棠剿喝。務當隨時籌解。以資餉。本日

已有旨令李瀚章署理湖廣總督並令楊昌濬署理浙江巡撫李瀚章著即馳赴湖北將應解餉需源源轉運毋令缺乏此外協黔各省並著李鴻章曾璧光隨時查催俾資接濟楊昌濬於接印後揀擇賢員署理藩司彙摺不許存五日京兆之見稍有廢弛違義民教各案前據李鴻章奏派道員余恩樞赴黔會辦至今尚未具奏李鴻章見赴貴州即著就近會同曾璧光迅速持平審結以弭釁端四川西陽教案何以尚未復奏亦著一併迅結毋得稍涉遲延將此由五百里諭知李鴻章崇實吳棠李瀚章劉峴曾璧光並諭楊昌濬知之○命協辦大學士湖廣總督李鴻章馳赴貴州督辦軍務○以李瀚章署湖廣總督楊昌濬署浙江巡撫由布政使署○以俊達為江西按察使由山東按察使調補○于安徽殉難知縣何振照布政司理問衙街茂順等建祠○乙巳諭軍機大臣等部與阿等奏籌撥邊荒請緩至明春再行勸辦一摺展邊事宜關涉中外界限卡相度地勢逐處履勘適中定界將來不免藉端見屈陸冬堅冰積雪一望瀰漫勢難勘丈自係實在情形著照所請緩至來歲春融再行派委委員前往江岸審度該處情形相機試辦備有窒礙難行之處即由該將軍等隨時酌覈奏明辦理務期中外相安永免後患不得稍涉推諉將此各諭令知之○左宗棠奏欽奉諭旨該大臣見機進駐平涼著將能否馳赴蘭州情形迅速具奏等因欽此臣准前署督臣穆圖善咨稱蘭州省垣及西路甘涼肅三縣距涇較遠見雖交卸督篆如屬緊要軍務擬隨時權宜辦理另刊甯夏將軍木質關防鈐用具奏等語比因北路軍情正在勦撫未定之際臣接奏後由涇州前進止可暫駐平涼布置中路聯絡南路策應北路仍可控制西路若徑駐蘭州設北路逆同被剿橫溢東路不惟對松山雷正綰周蘭亭張福壽徐文秀各軍無所稟承即涇平赴蘭州驛道必致阻梗於秦隴大局均有防礙查會垣城關內外及金蘭防兵不下三十餘營近又現掘長壕進攻難或不足自守似尚有餘臣比否肅穆圖善督同在省司道就見有兵力保衛省垣又撥通餉銀十七萬兩准穆圖善統帶軍心大定其地方日行公事責成藩司崇保代折代行遇有緊要之件隨時包封遞送臣營嚴辦見在黃鼎張會元楊世俊崇志馬步各軍分布匪種靜甯甯甯安定一帶蘭垣聲息已通其西運陝回由狄道折軍清水驛大營川甘草店者均經各軍擊敗歸巢省城根本之地自期穩固接穆圖善來函從前嫌疑盡釋似與臣無芥蒂臣入平涼以來籌軍食賑災黎撫良同辦辦匪力顧後路轉輸以重中路樞紐見飭即補遺肅守幹練兵黃武貴由蘭州赴秦望川涼州一帶會同總兵王仁和總理屯政安插石成器一股一俟北路局勢稍定南路裁併各營均有頭緒即當督率親軍試行而西為進據河州之計俟屆時察看情形權衡緩急再將進止籌宜詳細奏聞是否如斯伏候訓示又奏竊陝回西匪經官軍進剿復萌情形臣已馳報其時提督楊世俊徐占彪馬步各營分防安定紅土黨地方調陝回自十月

初三日敗還狄道逆目崔三竄獨挑河隄狄西三十里之雅哈川糾河州逆目馬致大馬占魁馬石等北竄揚言救援金積堡分股結寨隴西屬之固城十家莊將家坪乘虛掠食觀南路十月十九日二鼓各營營員急進徐占彪步隊馬家河出固城之西楊世俊馬隊由麻子川出固城之前五鼓齊抵賊巢馬隊張左右翼拒卜家莊將家坪援賊步隊直薄堡下賊驚覺憑堡抗敵槍礮對轟楊世俊察看堡牆高聳外環深壕欲圖進攻騎不如步遂令軍士下馬合力攻其西面賊見官軍勢盛悉眾禦之壯士踰壕樹其背保升而上立拔堡城守賊二百餘名無脫免者天明卜家莊將家坪援賊盡至不虞官軍已入固城比其漸東漸近官軍從堡中躍馬揮戈而出乘勝猛擊之賊駭而奔各營馬步繼追十八里至春家掌餘逆向西南逸去後收隊回固城休息漏已三下矣是役斃賊八九百名生擒十九名訊出賊目馬文一名斬之官軍傷亡勇丁四名二十日各營自固城回防據報崔三李經舉禹得彥大股八九千眾由狄道竄踞清水驛甘草店大營川蔓延金家崖楊世俊調集所部馬隊並約徐占彪出紅土竄道員李耀南出馬營監率師合剿二十一日午刻楊世俊徐占彪馬步齊至岷口令各營薄暮傳餐潛師夜起分道襲賊營以火箭為號行抵車道嶺步隊由中路出甘草店馬隊循車道嶺山脊出清水驛四鼓馬步各路齊抵賊巢號鼓齊鳴甘草店之賊始自夢中驚起叫號亂竄官軍已於月色微茫中槍礮連環轟擊夾以刀矛遇賊即砍天明追賊入大營川悍賊列隊居前翼蔽羸弱冒死抗拒楊世俊率精騎料鈔賊後邀其歸路賊返顧慌亂各營馬步乘之踏毀賊巢數十處賊棄輜重器械折由站灘黃石坪遁狄道馬隊跟追五十餘里玉新營水家坡沿途賊屍枕藉日暮乃收隊同大營川就地為壘戍刻偵東路逆騎數百竄近岷口楊世俊徐占彪於二十三日五鼓整隊東向天明抵岷口賊之步騎已於先夜偷過向狄道西奔矣時李耀南所部亦至各軍分道窮追馬隊沿梓鈎驛疾馳好麥川緊蹙賊蹤步隊繼之四路鈔擊竄賊數百一律殲殲得逸出者僅十餘騎而已訊據擒賊何學梁馬三兒楊文德張九兒供稱七股乃馬生彥之弟馬生定及白彥虎之黨葉曾正護賊眷西竄緣九月十九日打拉城大敗後避匿荒谷晝伏夜動循郭城驛野蜜川營家溝總岷口西原而過不料官軍候至也馬生定葉曾正已均經官軍陣斬訊畢正法軍前計是役斃賊一千六七百名陝回由狄道而竄圖入河州合夥而河州逆回授官軍進剿被其連累固拒不納陝回向河同興糧河同故高其價每斗四十斤索價銀四五兩陝回乏食分黨肆掠紅土竄過西三十里之石家岔王家堡侵及麻子川等處楊世俊派馬隊自紅土竄馳擊李耀南自馬營監派步隊輔之二十九日四鼓各營馬步齊集紅土竄鼓行而西黎明遇賊騎千餘於王家堡副將盛照魁步隊循南原乘高壁下總兵蕭貴謙步隊循西川兜剿而前提督張仲春參將楊德俊馬隊分枝斜鈔賊之左

右陣新悍賊二三百名該逆向西北越溝竄各營追殺六十餘里收隊而還十一月初一日午刻楊世俊調賊騎千餘圍攻安定縣西五十里細水岔田家窪民堡約徐占彪乘夜襲之派馬隊豫伏內官營截賊歸路初五日四鼓各營齊抵細水岔乘賊不備掩之分枝圍田家窪賊巢堡牆聲時該逆列陣死拒槍礮對轟總兵陳春萬立馬當先而中又子槍傷勇丁楊化熊揮旗猛進中礮而殞天明適徐占彪楊世俊掃蕩細水岔賊巢而來飭馬隊下馬環攻洋槍礮測準轟擊賊勢恟懼壯士一鼓齊登立毀其巢餘眾奪門向西南狂竄瞥見內官營塵起知張仲春楊德俊馬隊亦到各營乘機夾擊殺數百名追至站灘收隊而還兩戰共斃賊千餘名生擒七八十名官軍弁勇傷亡四名王家堡之戰生擒賊目馬環訊供陝西大荔縣同民黨眾皆東彌悍賊田家窪之戰據擒賊供稱是陝回零股糾合狄道逆回由渭源竄來圍犯東路牽經官軍者逆目馬油布當經陣斬矣初九日調賊馬步千餘由大寨子趨通安驛並踞楊坡店石家岔李耀南督所部輔營及平江三營同至彼此分世俊飭張仲春楊德俊即夜出隊會李耀南朝之四鼓馳抵楊坡店石家岔李耀南督所部輔營及平江三營同至彼此分途掩擊共斃賊三百餘名臣維南竄陝回除獲三馬得彥兩股外尚有白彥虎馬生彥等黨眾人數雖多能戰之賊不過數千惟河狄逆回及南路各逆回屬雜其間人數多少尙難懸擬然北不能遙通金積堡之援西不能連合河州之勢窮蹙可知正宜斷其紛竄大舉圍之見飭周開錫將南路諸軍嚴實歸併分布鞏秦一帶儲軍食作士氣遏其東趨飭黃鼎楊世俊等馬步各軍一面採運糧料一而離回回土零匪以免牽綴一俟北路局勢粗定即從中路壓剿而前期收節節肅清實效上諭見在各逆窮蹙北不能通金積堡之援西不能與河州連合左宗棠等已令周開錫將南路諸軍嚴實歸併分布鞏秦一帶並令黃鼎等軍離回回土零匪即著撤飭各該將領偵探賊蹤痛加剿洗一俟北路稍定即由中路掃蕩而前毋稍輟此大在事出力員弁勇丁准其彙案請保左宗棠見在駐軍平涼策應各路並派黃鼎等分布隆德靜甯會同安定一帶雖與蘭州聲息相通而會垣防守事宜亦不可稍形疏懈穆圖善著懷遠前旨暫駐省城就見有兵力督同司道各官妥籌衛衛左宗棠仍當隨時兼顧其石成器一股即著飭令蕭宗幹等會同王仁和妥為安插並將秦望川等處屯政趕緊料理北路之劉松山等軍並著催令前進以期節節疏通河州為甘同負固之區必須破此巨巢方可迎刃而解著左宗棠察看情形如兵力足敷即行督軍前進以竟全功將此由六百里各諭令知之○左宗棠奏劉松山一軍十月初七日剿賊獲勝大槪情形臣已附片陳明續接到松山續稱九月二十九日克復疊州城池及十月初二日連破里仁渠各寨賊益震懾馬化澂央總兵胡昌會保其永不反覆並力保陝回誠心就撫劉松山屬胡昌會飭馬化澂勒令陝回將馬械悉數呈

繼去後調秦葉南板橋馬家兩莊納家三寨丁家兩寨劉家灣子三莊馬家灣子四莊何家兩莊迤西蔡家橋莊蔡家四寨
余家兩莊西南連金積堡村莊饒次陝回磨聚其中人眾心難投誠之議連日不決催繳馬械一味枝梧劉松山以該回兜
狡成性仍宜乘間痛剿懾服其心初六日四鼓傳令各營分三路布壘陣一由左進板橋一由右進蔡家橋自督中軍出板
橋蔡家橋之間馬隊張兩翼伏左右兩路之旁穩駐勿動俟步兵破賊則飛馬分道鈔之部署既定各軍進抵渠南半里許
賊巢角聲四起紛紛憑渠開放槍礮提督何作霖軍功董福祥各營撲近渠邊槍礮對轟賊仍死拒不退劉松山察看水淺
者及膝深者沒腰飛令道員劉錦棠提督蕭章開督軍搶過橋卡分支由左右路鬼水鈔擊中軍步隊亦越渠撲之賊潰向
東西兩路狂奔提督余虎恩副都統寶壽馬隊截其歸路逆眾未及歸巢守巢之賊見官軍四集葉巢鼠竄爭出寨門西遁
官軍乘勢奪門而入將大小莊寨三十餘處一律蕩平果賊有冒死逃出者有圍殺殆盡者餘黨經各路馬步四面兜剿合
併西趨波浪渠一水前橫逆眾擁擠不前官軍火器環轟賊中人馬應聲而倒填積渠中渠水盡赤官軍緊蹙至金積堡外
馬隊追逼堡西敗賊西奔折而南向強家沙窩適逢各軍即分營填築金積堡東北四里何家莊板橋一帶劉松山即移紮
距金積堡十四里之劉家寨是役殺斃淹斃之賊約二千有奇生擒二百八十四名內有賊目馬福李逢春馬騰訊畢斬之
獲陝回老弱眷口六百餘名拔出漢民數百名均派送靈州城交提督黃萬友妥為安插官軍陣亡員弁並勇丁十六名此
十月初七日官軍大勝實在情形也是役馬化澂復央胡昌會來營乞撫復代陝回繳馬七十七匹大小洋槍十七枝長矛
一百三十二桿其餘馬械隨後呈繳劉松山勒限三日待之自後屢次催繳僅據馬化澂代繳破壞軍械數百件疲瘦馬騾
數百頭詞意卑而計愈狡陝回頭目馬正和余彥祿方懇收撫而陳林馬長順則不願繳馬械如故維時雷正綰周蘭亭籌
敬臨張福齊各帶所部於十二日馳至渠渠距金積堡遠者十餘里近者七八里胡昌會馬化澂力保陝回就緒精
該頭目及黨眾實因官軍勦散衛散一時難於清繳馬械乞寬限時日悉數呈繳嗣陸續繳馬三百四十七匹槍械八百十
九件二十七八等日續繳馬四百三十五匹器械二百五十一件劉松山以該逆人眾心難若必全取收撫恐展轉需時又
生別故因吳忠堡一帶甘回均已避匿金積堡所遺各堡已空令願就撫者呈造冊籍移居吳忠各堡悉繳馬械以便安插
馬正和於十月初一二日先移男婦二百餘名入吳忠堡其餘正待遷移而陳林之黨東甯回果從中截阻馬正和黨夥之
嗜亂成性及眷口已被官軍衝散者無所顧戀亦復頓翻前議互相阻撓各逆首不能禁也劉松山以輕率收撫必貽後患
初三日飛檄雷正綰周蘭亭張福齊簡敬臨等各整隊會剿適金運昌所部已先數日由花馬池靈州馳至是日午刻約齊